



# **ALOĞO SON AGA**

**YEWHEZON  
WATSON GOODMAN TON**

**OVONU WE — YÈ MA SÀ BLO**

## **ALỌGỌ SỌN AGA**

**“ALỌGỌ SỌN AGA”** dohia bẹdopo afo Owe Wiwe ton le podọ ye tò ye kẹdẹdi ohógbe yeton le dopodopo. Yen sọ yise do otúnmo dagbe Owe Wiwe ton le we Biblu losu.

Ohó Jiwheyewhe ton wá “són aga” podọ ewọ sọ hen alogọ wá na ayiha he huvé huhù bo ové to huhú na dódó ton wutu le. Eyin do mede lenvojo bo gbé ylando eton le dayi, eyin do omẹ enẹ ylo Okluno Jesu Klisti nido wá no ayiha eton me, bo yise nugbo to Ewo me kẹdẹdi to Whlenganto eton titi me, Ewo na sọ na en ayajije Eton podo jijojo Eton po. Enẹ le we onu he yen ko mo to owhe 1937 podọ sọn ojle enẹ me, kondopo sie podo Okluno po ma sọ note gbẹde. Yen sọ ve mi do mi ni jo mide Nē, bo yi I DINVIE di Whlenganto miton podọ Okluno miton, eyin do mi mako basi dayi.

—Watson Goodman

Lomunu lẹ 5. 8

Şigba Jiwheyewhe dẹ owanyi eton hia hlan mí dali, na, whe-nuena mí gbẹ to ylandono yin, Klisti kú na mí.

Johanu 13. 1

Dinvie jenukonna hunwhe jawayi ton lo, whenuena Jesu yonen do ojle eton wa, bo ewo na do yi son aihon he me yi Otó de, le é yiwanna ome eton titi he tin to aihon me le do, é yiwanna ye je podo.

1 Johanu 4. 8, 9

Ewo he ma yiwanna ome, ma yon Jiwheyewhe gba; na Jiwheyewhe we owanyi. Ehe me we ye do owanyi Jiwheyewhe ton hia

hlan mí te, na Jiwheyewhe do Ovi deton eton dopo akan lo hlan aihon he me, na mí nido nogbe gbọn ewo me.

Johanu 3. 16

Na Jiwheyewhe yiwanna aihon somo bo é yi Ovi deton eton dopo akan name, na medepope he yi i se ma nado don, şigba é nido tindo ogbe madopodo.

Osohia 1. 5

Şon Jesu Klisti de, mehe yin kunnudeto nugbono lo, ome plonji son oşio le me, aho vi aholu aigba ton le ton. Hlan ewo he yiwanna mí, bo so yi ohun eton do klo mí son ylando miton le me.

1 Timoti 3. 16

Podọ matin núdindon, daho wẹ nudabla jijodi-Jiwheyewhe ton: yè yí Jiwheyewhe hia to agbasa mẹ, bo sọ sùwhe nẹ to Gbigbo mẹ, yè mọ ẹn to angeli lẹ de, yè dọ yewheho eton hlan Kosi lẹ, yè yí i se to aihon mẹ, yè sọ yí i daga do gigo mẹ.

Johanu 14. 9, 10a

Jesu dọ hlan ẹn, dọ, Be le yẹn ko tin to mí de den do, hiẹ ma ko yon mi gba, Filipi? ewọ he ko mọ mi ko mọ Otó; nawẹ hiẹ dọ do dọ, Do Otó lọ hia mí? Be hiẹ ma yise dọ yẹn tin to Otó mẹ, podọ Otó tin to yẹn mẹ?

Johanu 1. 1 ati 14

To whẹwhẹwhenu wẹ Ohó lọ ko tin, Ohó lọ ko tin po Jiwheyewhe po, Ohó lọ wẹ Jiwheyewhe. . . . Yè sọ lẹ Ohó lọ zùn agbasalan, é sọ nọ mí sẹnẹn, mí pọn gigo eton, gigo he di Ovi dètọn dopo akan sọn Otó de, mehe gọ na ojomiọn po nugbo po.

Matiu 1. 22, 23

Onú he lẹ pọ sọ jọ, na ehe yè ko dọ sọn Oklunọ de gbọn onú yewhegán lọ ton mẹ nido di, dọ, do ayi e go, awhli de na mọhò, é na ji ovisunnu de, yè na nọ yọ oyin eton do Emmanueli, tadena ehe ton yin, Jiwheyewhe tin to mí de.

1 Johanu 4. 15

Mẹdepope he na yigbe do Ovi Jiwheyewhe tọn wẹ Jesu, Jiwheyewhe to ninọ e mẹ, podọ ewọ to Jiwheyewhe mẹ.

Kolosinu 2. 9

Na ewọ mẹ wẹ gigọ ozonji Jiwheyewhe tọn lepo nonọ to agbasa mẹ.

Luku 1:35

Angeli lọ sọ gblon bo do hlan en, do, Gbigbo Wiwe na wa oji we, huhlun Gigogan tọn nasọ sinyon oyẹ oji we: enewutu ga onu wiwe he tin nado yin dideton son hie mẹ, Ovi Jiwheyewhe tọn ye na no ylo e.

Matiu 8. 29

Bo pon, ye dawha domo, Etewe wa mi po hie po, Jesu, hie Ovi Jiwheyewhe tọn? be hie wa to ofi whẹpo ojle lo na wa nado do yana mi we?

Matiu 3. 17

Bo pon, ogbe de son olon le mẹ, didomo, Ehe wẹ Visunnu sie; Mewive sie, mewe mẹ home sie vivi te talala.

Matiu 17. 5

Le e gbẹ to hodo, do ayi e go, aslo sisemlanmlan de sinyon ye: bo pon, ogbe de son aslo mẹ, to didomo, Ehe wẹ Ovi yiwanna sie, mewe mẹ yen yin homehunno te talala; mi no se eton.

Johanu 8. 58

Jesu sọ ọọ hlan yé, ọọ, Nugbo, nugbo, wẹ yẹn ọọ hlan mi, Whẹpo yè jì Ablaham, yẹn tin.

Johanu 10. 7

Enẹwutu Jesu vọ ọọ hlan yé, ọọ, Nugbo, nugbo, wẹ yẹn ọọ hlan mi, Yẹn wẹ ohọn lengbọ ọọ.

Johanu 4. 25, 26

Nawe lọ sọ ọọ hlan ẹn, ọọ, Yẹn yọnen ọọ Messia ja, mẹhe yè nọ yọ Klisti: whenuena é wá, é na lá onú lẹpo hlan mí. Jesu ọọ hlan ẹn, ọọ, Yẹn mẹhe to hóọọ hẹ we wẹ ewọ lọ.

Johanu 8. 23

E sọ ọọ hlan yé, ọọ, Odò wẹ miwẹ tin sọn; aga wẹ yẹn tin sọn:

aihọn he ọọ wẹ miwẹ; yẹn ma yín aihọn he ọọ gba.

Johanu 13. 13

Miwẹ to yiyọ mi ọọ Mẹplọntọ, bo to yiyọ mi ọọ Oklunọ; mi ọọ dagbe; na mọwẹ yẹn yín.

Johanu 9. 5

Whenuena yẹn tin to wẹkẹ mẹ, yẹn wẹ hinhọn wẹkẹ ọọ.

Johanu 6. 35

Jesu ọọ hlan yé, ọọ, Yẹn wẹ akla ogbẹ ọọ: mẹdepope he wá dẹ hùvẹ ma na hù i, mẹhe sọ yí mi se, ovẹ ma na hù i gbẹde.

Johanu 11. 25

Jesu ọọ hlan ẹn ọọ, Yẹn wẹ fónsọnku po ogbẹ po; mẹhe yí mi se, eyín é kú, é nasọ tin to ogbẹ.

Luku 5. 5, 6

Simoni sọ gblon bo, domo, Okluno, ozanne oso lepo we mi ko jetukla, bo ma wle nudepope: sigba to ohó towe ji yen na kon odò lo do odò me. Whenuena ye sọ wa ehe, ye sinyon whevi susu dopo: odò yeton sọ tlen.

Matiu 20. 30 ati 34

Bo do ayi e go, dawwe nukun-tonno awe sinai to alihoto, whe-nuena ye se do Jesu ju jei, dawha daga domo, Waleblanu na mi, Okluno, hie ovi sunnu Davidi ton. . . . Podo Jesu yiyi leblanu do whan, yi alo do nukun yeton go: to afodoponeji nukun yeton monu, ye sọ hodo e.

Podọ mimọ ovotin dopoakan de to aliho, é wá e kọn, é ma sọ mọ nude to e ji, adavo amà dodo, é sọ do hlan en do, Sọn dinvie kaka doidoi a dike sinsen sọ sen to oji we gbèdegbède blo. Tendoponeme ovotin lo sọ fiọ. —Matiu 21. 19

E sọ degbena agundaho lo nado jagla to ogbe ji, é sọ yi akla aton po whevi awe le po, pinpon aga hlan olon, é dona, bo kan bo yi akla le lo na nuplonto eton le, nuplonto le sọ yi na agundaho le lo. Ye ome po sọ du, bo goho: ye sọ be dupo he po pli oha wiawe go. Ye he du le yi gbeto degba-defoton, mahia yonnu po yopovu le po dogo. —Matiu 14. 19-21

## 6 JESU KLISTI WÈ MÈDATO ATI OKLUNO

Lomuna lẹ 14. 9

Na ehe tọn wutu wẹ Klisti ká, bo fón, bo gònogbè, dọ é nido yin Okluno oşio po omẹgbè lẹ po tọn.

Johanu 1. 3

Gbon alọ eton mẹ wẹ yè dá onú popo; to godo eton onú de ma tin bo yè sọ dá to onú he yè dá lepo mẹ.

Kolosintu lẹ 1. 16

Na e de wẹ yè gbon da onú lepo, ehe tin to olon lẹ mẹ, po ehe tin to aihon mẹ po, ehe yè mọ po ehe yè ma mọ po, eyin yé tẹ yin ofin, kavi aholu-yigba, kavi ogán lẹ, kavi huhlón lẹ; gbon e de wẹ yè da onú lepo. podọ na ewọ.

Heblu lẹ 1. 2

Jiwheyewbe, . . . to opodo azán hele tọn ko dọhó hlan mi to ovi eton mẹ, mēhe é do de whéduto onú popo tọn, gbon mēhe mẹ ga é basi aihon lẹ.

1 Kolintinu lẹ 1. 9

Nugbonọ wẹ Jiwheyewhe, gbon mēhe mẹ yè yọ mi hlan kondopo Ovi eton Jesu Klisti Okluno mí-ton tọn.

Owato 2. 36

Enwutu na mēhe to owhe Israeli tọn gbè lepo ni yonen hézehézé dọ, Jiwheyewhe ko yi Jesu dopo lọ, mēhe mi whè do satin go. do basi Okluno, Klisti.



# JESU KLISTI WÈ WHÈDATỌ NA ONÚ POPO 7

Lomunu lẹ 14. 10

Şigba etẹwutu wẹ hiẹ to owhe memesunnu towe ton da? kavi etẹwutu wẹ hiẹ to memesunnu towe vle? na mi ome po wẹ na note to wheda-zinpo Jiwheyewhe ton nukon.

Matiu 25. 32

Nukon eton wẹ ye na be akota lepo pli do: e nasọ klan ye dovo son yenzo go, dile lengbohoto no klan lengbo eton le son gbogboe le go do.

Johanu 5. 22

Na Otọ ma no dawhe medepope ton, şigba e ko yi whedida lepo na Ovi.

Lomunu lẹ 2. 16

To azan he gbè whenuena Jiwheyewhe na dawhe asli gbeto ton gbọn Jesu Klisti de dile wendagbe sie te.

2 Timoti 4. 1

Enewutu yen degbena we to Jiwheyewhe nukon, podọ to Jesu Klisti Okluno nukon, mehe na dawhena ome he to ogbe po osio le po to awusohia eton po aholudu eton po whenu.

Owaiọ 10. 42

E so nase mi nado doyewheho hlan gbeto le, podọ nado dekunnu do, ewo wẹ ye de son Jiwheyewhe de do basi Whedato omegbe po osio po ton.

## 8 OFLIGỌ GBỌN JESU KLISTI KẸDẸ DALI

Johanu 10. 9

Yẹn wẹ ohọn lọ: eyin mẹde biọ họmẹ gbọn dẹ, ewọ lọ wẹ yè na whlẹngan, ewọ nasọ biọ họmẹ bo nasọ tọnjẹgbonu, bo nasọ mọ kan-lindugbo.

Johanu 14. 6

Jesu dọ hlan ẹn, dọ, Yẹn wẹ aliho lọ, nugbo, po ogbẹ po; mẹde ma sọgan wá Otọ de, adavo gbọn yẹn dali.

Heblu 5. 9

Le yè hẹn ẹn sọgbẹ, é lezùn mẹhe da whlẹngan madopodo dai hlan yé he yí i se lẹpo.

Johanu 8. 24

Enẹwutu wẹ yẹn dọ hlan mi, dọ, Mi na kú to ylando mítọn mẹ: na

eyin mi ma yise dọ yẹn lọ wẹ, mi na kú to ylando mítọn mẹ.

Heblu 7. 25

Enẹwutu é sọgan whlẹn yé gán ga kaka jẹ opòdo, yé he wá Jiwheyewhe de gbọn afo eton ji lẹ, na é tin to ogbẹ tẹgbẹ nado nọ vẹvẹ na yé.

Owalọ 4. 12

Mọ whlẹngan ma sọ tin to mẹdevo de; na oyin de ma tin to olon gọ he yè name to gbẹtọ mẹ he yè nado whlẹn mi gán.

1 Tesalonikanu 5. 9

Na Jiwheyewhe ma dè mí na homẹgble gba, adavo nado mọ whlẹngan yí gbọn Jesu Klisti Oklunọ mítọn mẹ.

# OFLIGÒ GBỌN JESU KLISTI KẸDE DALI 9

Kolosinu lẹ 1. 12-14

Míwle sọ to pédo hlan Otó, mehe basi mí je nado yin máheto to ogú mewiwle lẹ tọn me to hin-hón me; mehe sọ whlẹn mí sọn hu-hlẹn zinvlu tọn me, bo sọ diọ mí do ahóludu Ovi vive eton tọn me; mehe me míwle do ofligò te gbọn ohùn eton me, yèdo ojona ylando tọn.

Luku 19. 10

Na Ovi gbeto tọn wá nado din, podọ nado whlẹn enẹ he yin bubu gán.

1 Kolintinu lẹ 1. 30

Şigba é de wẹ mí sọn to Klisti Jesu me, mehe yè yí do

basi nuyọnen, po dódó po, lèwé po ofligò po hlan mí sọn Jiwheyewhe de.

Titu 2. 14

Mehe jo ede na mí wutu, na é nido fli mí sọn ylando lepo me, bo sọ do klọ mí wé zùn omẹvò hlan ede, vivenudotọ azọn dagbe lẹ tọn.

Oşohia 5. 9

Yé sọ jihan yoyó de, do, Hiẹ wẹ je nado yí owé lọ, podọ nado hùn hiadonu eton: na yè ko hù we; hiẹ ko sọ yí ohùn towe do fli mí hlan Jiwheyewhe sọn akọta lepo me, sọn ogbè lepo me, sọn gbeto lepo me, podọ sọn aigba lepo ji.

## 10 LEWE GBỌN OHÙN JESU KLISTI TỌN DALI

Lomunu lẹ 5. 9

Nẹmunẹmu lò, lẹ yẹ sùwhe-  
na mí gbọn ohùn etọn dali, yẹ na  
whlẹn mí sọn homegble mẹ gbọn e  
dali.

Efesunu lẹ 1. 7

Mẹhe mẹ míwlẹ ko mọ ofligò  
yí te gbọn ohùn etọn mẹ, ojona  
ylando tọn, kẹdẹdi adokun susu  
ojomion etọn tọn.

1 Pita 1. 18, 19

Sọle mì yọnen dọ, yẹ ma yí  
nugbigble do fli mì gba, di fataka  
po sika po, sọn owalọ vọ mìton  
mẹ, he mì yí gbọn otànhóhó lẹ  
dali sọn otọ mìton lẹ de; adavo

ohùn Klisti tọn akuegegenu, di  
lengbovu he matin apà go tọn,  
podọ matin diho.

Heblu lẹ 9. 14

Nẹmunẹmu wẹ ohùn Klisti tọn,  
mẹhe gbọn Gbigbo madopodo mẹ  
yí agbasa ede tọn do sánvọ  
madodiho hlan Jiwheyewhe, ma  
na lẹ ayiha mìton wé sọn azon  
kúkú mẹ nado sẹn Jiwheyewhe  
ogbẹno lọ?

1 Johanu 1. 7

Şigba eyin míwlẹ to zonlinzin to  
hinhon mẹ, dile ewọ to hinhon mẹ  
do, mí tindo kondopo po minozo  
po, ohùn Jesu Klisti Ovi etọn tọn  
sọ kló mí sọn ylando lẹpo mẹ.

# WHLENGAN GBON YISE DALI TO JESU KLISTI ME

11

Efesunu le 2. 8, 9

Na gbon ojomion me we ye whlen mi gan gbon yise me; podon ene lo ma so yin milosu ton gba; nunina Jiwheyewhe ton we: e ma yin gbon azon ton me gba, na mede nikā yigo.

Enewutu le ye suwhena mi son yise me, mi tindo jioho to Jiwheyewhe de, gbon Jesu Klisti Okluno miton dali. —Lomunu 5. 1

Johanu 20. 31

Sigba ehele we ye wlan, na mi nido yise do, Jesu we Klisti, Ovi Jiwheyewhe ton; do to yiyise me mi nido tindo ogbe to oyin eton me.

Galatianu le 5. 6

Na to Jesu Klisti me, owhegbo ma yin nudepope, kavi owhemagbo; adavo yise he to azonwa gbon owanyi me.

Na medepope he ye deton son Jiwheyewhe de, gbawhan aihon ton: ehe so we awhangba he gbawhan aihon ton, yedo yise miton. —1 Johanu 5. 4

Johanu 6. 28, 29

Enewutu ye do hlan en, do, Etewe mi ni basi, bo mi nado sogan wa azon Jiwheyewhe ton? Jesu gblon bo do hlan ye, do, Ehe we azon Jiwheyewhe ton, do mi ni yise to mehe e dohlan me.

Heblu lẹ 4. 16

Enẹwutu mi gbọ mi ni yi tugbi-  
gbọ do wá ofin ojomiọn ton kọn  
na mi nido mọ leblanu yi, na mi  
nido mọ ojomiọn yi nado nọ gọ-  
alọname to nukunbibia whenu.

Matiu 18. 11-14

Na Ovi gbeto ton wá nado  
whlen ye he ye ko hen bú lẹ. Nawẹ  
miwle len do? eyin omẹ de tindo  
lengbo kanweko, bo dopo danbú  
to ye mẹ, be é ma na jo kanwefo-  
tonnukunene he pò dai, bo na yi  
osó lẹ ji, bo yi din ehe danbú mọ?  
Podọ eyin é sọ din in mọ, nugbo  
wẹ yẹn dọ hlan mi, é jaya to leng-  
bo lọ ji, hú to kanwefotonnuku-  
nene he ma danbú yi lẹ ji. Yèdọ

mokede wẹ é ma yin onú jijo  
de to Otó miton he tin to olon mẹ  
nukon, dọ dopo to pevi hele de mẹ  
ni don.

Titu 3. 5

É ma yin gbọn azon dodo ton he  
mi ko wá dali gba, sigba dile le-  
blanu eton te, é whlen mi, gbọn  
lewé ovoji ton po henzyoyó  
Gbigbo Wiwe ton po dali.

1 Pita 1. 3

Donano wẹ Jiwheyewhe Otó  
Jesu Klisti Okluno miton ton,  
mehe vọ mi deton kededi leblanu  
eton gege do todido ogbeno de mẹ,  
gbọn finfon Jesu Klisti ton dali  
son osio lẹ mẹ.

# JIWHEYEWHE YIYLO MÍ WÁ EDE DE

13

2 Timoti 1. 9

Mẹhe ko whlẹn mí bo sọ yí oylo wiwe do ylo mí, é ma yín dile azón míton te gba, sigba dile lendote po ojomiọn ewlọsu tọn te wẹ, ehe yè na mí to Klisti Jesu mẹ whẹpo aihon do jọ.

Matiu 11. 28

Mí wá dẹ, mì he to tuklajẹ, bọ yè doagbàn pinpẹn na lẹ, yẹn nasọ na gbojẹ mì.

Luku 14. 17

E sọ do afànumẹ eton jẹgbonu hlan to ojẹ tenu nùdùdù tọn mẹ, nado do hlan yé he yè ylo dai lẹ, dọmọ, Mì wá, na onú lẹpo wleawu dinvie.

Osohia 22. 17

Gbigbo po asiyoyó po dọmọ, Wá. Ewọ he to sisè ni dọmọ, Wá. Podọ mẹhe nugblahu gbọ é ni wá. Ewọ he jlo, gbọ é ni yí osin ogbè tọn lọ vonu.

2 Kolintinu lẹ 5. 20

Enewutu medagun na Klisti tọn wẹ miwle, di Jiwheyewhe tle to miwle ve gbọn miwle dali: mi ve mi na Klisti tọn wutu, mi ni yin megbowhehe hlan Jiwheyewhe.

Johanu 7. 37

Azán podo gbè, azán daho hunwhe lọ tọn, Jesu site bo dawhá, do, Eyin ovẹ hú medepope, mi gbọ é ni wá dẹ, bo nù.

# 14 OME POPO MA YIN OVI JIWHEYEWHE TON

1 Johanu 3. 10

Ehe me we ye to ovi Jiwheyewhe ton le sohia te, po ovi legba ton le po: medepope he ma wa dodo, e ma jo son Jiwheyewhe de gba, kavi ewo he ma yiwanna memesunnu eton.

Filippinu le 2. 15

Na mi nido yin ome mahuwhe, ome mawaylan, ovi Jiwheyewhe ton le, madowhe to oko to akota jijo gbingbanno po bubluno po sensen, mehe sensen mi to wunhon te di hinhon to aihon me le.

Lomunu le 8. 14, 15

Na ome soha he ye hleali gbọn Gbigbo Jiwheyewhe ton dali, ye

we ovi Jiwheyewhe ton. Na miwe ma yi gbigbo meglono ton na so do to budi gba; sigba gbigbo sododovi ton we mi yi, eton dali mi to awhado ylo, Abba, Oto.

2 Kolintinu le 6. 17, 18

Enewutu we Okluno domo, mi ton son sensen yeton, bo no ola, mi gan do onu mawe go blo; yen naso yi mi, bo na yin Oto de hlan mi, miwe naso yin ovisunnu sie le, podo oviyonu sie le.

Johanu 1. 12

Sigba ye ome soha he yi i le, ye we e na ojloje nado lezun visunnu Jiwheyewhe ton, yedo mehe yise to oyin eton me le.



# ONÚ HE JIWHEYEWHE DO HLAN AHÀN 15

## SINSINYEN LẸ

### Luku 1. 15

Na ewọ na klo to Okluno nukon, é ma to na nù ovèn kavi ahàn sinyensinyen de; é na gọ na Gbi-gbo Wiwe, yèdọ sọn ohò onọ eton ton me.

### Luku 21. 34

Şigba mi ni payi mide go, vlavo ayiha miton nikā yin yi yi gigofla do doagbanna, po nūnūmū ogbè ton po, bo azan lo nado wá mi ji ajiji di omò de.

Mi gbo mi ni zinzonlin jijlo, tai-di to okle; é ma yin to zanzinon podọ to ahannumu me, é ma yin to ayodide po gbèdùdù po me, é ma yin to avun po nuveun po me.

Şigba mi zé Jesu Klisti Okluno do ogo, mi wleawu dai na agbasalan nado hen wantuntun eton le di blo. —Lomunu 13. 13, 14

### Galatianu le 5. 19-21

Azon agbasalan ton le soawuhia dinvie, he yin ehele; Ayodide, ogalilo, mawé, wantuntun, boşio-sinsèn, owon, oken, avun, awu-whan le, homegble, wiwo, atè, plongiglo, nuveun, ahannumu, gbèduzejlego, po onú mohunko le po: onú he yen ko no do na mi dai, dile yen ko do na mi to ojle he ko wá yi le me, domo, Yé he no wá onú nele nkọ ma to ogú aholudu Jiwheyewhe ton na du.

**Matiu 22. 37, 38**

Ewo sọ dọ hlan ẹn, dọmọ, Hiẹ na yí ayiha towe lẹpo, po dọ alindon towe lẹpo po nuyonen towe lẹpo po do yiwanna Oklunọ Jiwheyewhe towe. Ehe wẹ osen daho tintan lọ.

**Malku 10. 17-22**

Le é tọn jei to aliho eton ji, mède dowedun wá e de, bo sọ jẹklo nẹ, bo kanbiọ ẹ dọ, Meplontọ dagbe, etewẹ yẹn na wà. bo yẹn nado dugú ogbẹ madopodo tọn? Jesu sọ dọ hlan ẹn, dọmọ, Etewutu hiẹ ylo mi mēdagbe? mēdagbe de ma tin, adavo omẹ dopo, enẹ wẹ Jiwheyewhe.

whe. Hiẹ yon osen lẹ, A deayọ blo; A hùmẹ blo; A finnúyí blo; A dekunnu lalo tọn blo; A klọ omẹ blo; Gbògbéna otọ towe po onọ towe po. E sọ dọ hlan ẹn dọ, Meplontọ, onú he lẹpo go wẹ yẹn ko tunnukun sọn ovu sie. Whenenu wẹ Jesu pọn ẹn, bo yiwannẹ, bo dọ hlan ẹn, dọmọ, Onú dopo wẹ pò na we; yì, bo sà onú depope he hiẹ tindo, bo yí na wamọno lẹ, hiẹ nasọ tindo adokunnú to olon mẹ: bo wá, zé satin, bo hodo mi. Nukunmẹ eton gble na ohó nẹ wutu, é sọ tọnjẹgbonu to awúbla mẹ; na ewọ yin mède he tindo adokun susu wutu.

# YÈ NI MA KLỌ MÌ BLO

17

Jakobu 1. 22

Şigba mì ni yin basito ohó lo ton, mì yin siseto kede blo, to mide kiklo me.

Efesunu le 5. 6

Mì dike medepope yi ohó vó do klo mì blo; na onú hele ton wutu we homegle Jiwheyewhe ton ja ovi tolivive ton le ji.

1 Kolintinu le 6. 9, 10

Be mì ma yonen do mawádódóno le ma na dugú aholudu Jiwheyewhe ton? Yè klo mì blo; ogaloto le, kavi bosiosento le, kavi ayodeto le, kavi yonnujome le, kavi ye he no yi sunnu do hen ye-

de gble le. Kavi ajoto le, kavi nukkenno le, kavi ahannumuno le, kavi mevleto le, kavi alosloname-to le de ma na dugu aholudu Jiwheyewhe ton.

1 Johanu 3. 7, 8a

Mì yopo emi, mì dike mede klo mì blo: ewo he to dodo wa, we dodonno, kededile ewo yin dodonno do. Ewo he waylan, legba de e jo son; na legba ko waylan son whewhenu.

Galatianu le 6. 3

Na eyin mede so to ede len nado yin nude, whenuena e ma yin nude, e klo ede.

Lomunu lẹ 6. 21

Be sinsén tẹwẹ mi tindo dinvie, to onú neḷe me, eheton winyan to huhù mi te? na okú wẹ opòdo onú neḷe ton.

Luku 15. 32

Şigba e je mí ni jaya, bo sọ yin homèhùnno; na novisunnu towe he ko yin oşio, é sọ vọ togbè; bo ko yin búbú, yè bo sọ mọ ẹn.

Whenenu wantuntún, whe-nuena é mọhò, é ji ylando: podọ ylando, whenuena yè basi i pò, é ji okú. —Jakobu 1. 15

Lomunu lẹ 8. 6, 7

Na nado yin agbasalan nugopóntọ wẹ okú; şigba nado yin Gbigbo nugopóntọ wẹ ogbè po jijoho

po. Na agbasalan go pinpon wẹ oken do Jiwheyewhe go: na é ma yin memeglo hlan osen Jiwheyewhe ton kavi é ma tle sogan yin mọ lala.

Lomunu lẹ 5. 12

Enewutu le ylando gbọn omẹ dopo de biọ aihon me, podọ okú gbọn ylando dali; mọwẹ gbeto lepo kú do, na omẹ popo wẹ waylan wutu.

Şigba obutonọ lẹ, po mayisenọ lẹ po, gbigbietọ lẹ, po hlonhuto lẹ po, po ayedetọ lẹ po, owontọ lẹ, boşisento lẹ, po lalonọ lepo po na tindo tenme yeton to ofi hihla he to miyonji po whemi po ton me, ehe wẹ okú aweto. —Oşohia 21. 8

Luku 7. 14, 15a

E sọ wá, bo do alọ apotinjan lọ go: mehe zé e lẹ sọ site sududu. E sọ domo, Ovisunnu, yẹn do hlan we, Fón. Mehe kú sọ fón sinai, bo sọ sè hodo.

Johanu 11. 43, 44

Podọ whenuena é ko dọhó dole, é yí ogbè lélé de do dawhá do, Lazaiosi, jegbonu wá. Ewo he yin oşio lọ sọ jegbonu wá, he yè yí avò oşio tọn do bla alọ po afo po na: bo sọ yí ozunkèn de do bla nukunme na. Jesu do hlan yé, do, Mi tùn in, bo gbọ é ni yí.

Johanu 10. 17, 18

Enewutu wẹ Otó yiwanna mi, na yẹn zé ogbè sie liai wutu, na

yẹn nido vọ ẹ yí. Međe ma yí i sọn dē gba, şigba yẹn zé e liai dedēsi. Yẹn tindo ojloje nado zé e liai, bo sọ tindo ojloje nado vọ ẹ yí. Osén he wẹ yẹn ko moyi sọn Otó sie de.

1 Kolintinu lẹ 15. 3, 4

Na jenukonna popo ehe yẹn ko moyi ga wẹ ehe yẹn yí na mi, le Klisti kú na ylando miton lẹ kededile Owé wiwe lẹ do do; podọ yè di i, podọ é sọ tite to azán atontọ gbè kededile Owé wiwe lẹ do do.

Osohia 1. 18

Yẹn wẹ ogbẹno lọ, yẹn sọ lezun oşio; do ayi e go, yẹn sọ tin to ogbè kakadoi, Nişe; yẹn sọ tindo hön-hüngàn kütöme po okú po tọn.

Matiu 22. 36-40

Mẹplọntọ, etẹ wẹ așẹ dahọ to osèn mẹ? Ewọ sọ dọ hlan ẹn, dọmọ, Hiẹ na yí ayiha towe lẹpo, po dọ alindọn towe lẹpo po nuyọnen towe lẹpo po do yiwanna Oklunọ Jiwheyewhe towe. Ehe wẹ osèn dahọ tintan lọ. Podọ awetọ sọ di i, Hiẹ, na yiwanna kọmẹnu towe di dewe. Osèn awe hele go wẹ osèn lọ pete, pla do po yewhegán lẹ po.

Malku 10. 17-21

Le é tọn jei to aliho etọn ji, mẹde dowezun wá e de, bo sọ jẹklo nẹ, bo kanbiọ ẹ dọ, Mẹplọntọ dagbe, etẹwẹ yẹn na wà, bọ yẹn nado

dugú ogbè madopodo tọn? Jesu sọ dọ hlan ẹn, dọmọ, Etẹwutu hiẹ ylo mi mẹdagbe? mẹdagbe de ma tin, adavo omẹ dopo, enẹ wẹ Jiwheyewhe. Hiẹ yọn osèn lẹ, A deayọ blo; A hùmẹ blo; A finnúyí blo; A dekunnu lalo tọn blo; A klọ omẹ blo; Gbògbéna otọ towe po onọ towe po. E sọ dọ hlan ẹn dọ, Mẹplọntọ, onú he lẹpo go wẹ yẹn ko tunnukun sọn ovu sie. Wenenenu wẹ Jesu pọn ẹn, bo yiwannẹ, bo dọ hlan ẹn, dọmọ, Onú dopo wẹ pò na we; yì, bo sà onú depope he hiẹ tindo, bo yí na wamọnọ lẹ, hiẹ nasọ tindo adokunnú to olọn mẹ: bo wá, zé satin, bo hodo mi.

# MÌ MA SÒGAN WHLÁ MÌDELE DÒ JIWHEYEWHE

21

Heblu lẹ 4. 13

Podọ núdida he ma doawúhia to nukon eton de ma tin: mọ onú lẹpo wẹ to omẹ bo sọ hùndonuvo to nukun eton mẹ, mẹhe míwle do onú nado wá he.

1 Kọlintinu lẹ 3. 20

Podọ, Oklunọ yon linlen nuyonento ton lẹ, dọ ovọ wẹ yé. Enewutu mède doawagun to gbeto mẹ blo. Na miton wẹ onú lẹpo.

Owalọ 17. 27, 28

Na yé nido nọ din Jiwheyewhe, eyin vlavo ayiha yeton sogan don do e go, bo sọ din in mọ, mọ é ma tle den son dopodopo miton de gba: na ewọ mẹ wẹ míwle togbẹ te,

bo to whinwhan, bo sọ tindo tintin miton; dile Yèdọ aziza miton losu dele ko dọ ga, dọmọ, Ovi eton ga wẹ míwle.

1 Kọlintinu lẹ 4. 5

Enewutu mi dawhena nudepope jenukonna ojle lo blo, kaka Oklunọ nado wá, mẹhe na hen onú zinvlu ton he bẹ lẹ wá hinhon mẹ, bo nasọ hen linlen ayiha ton lẹ sọawúhia: whenenu wẹ omẹ dopodopo na tindo pipa eton to Jiwheyewhe de.

Na núde ma tin to nuglọ, he yé ma na dèhia; mọwẹ núde ma sọ whlá, bo yé ma na yonen, bo é ma na ton jẹ gbangba. —Luku 8. 17

## 22 OYA MADOPODO MEYLANKAN LE TON

Osohia 20. 15

Medepope he ye ma mo yin winwlan do owe ogbe ton me, ye don en yi dlan miyon hihla me.

Matiu 13. 41, 42

Ovi gbeto ton na do angeli eton le hlan gbonu, ye bo na be onu he hen ahlida wa lepo son aholudu me, po ye he wa ylanwa le po; E na ze ye dlan zokan miyon ton me; fine we avi po adukunkun po na te.

Matiu 18:8

Podọ eyin alo towe kavi afo towe hen we dahli, san en se, bo de e son ogo: e yin dagbe na we na a ni yin klegbesato kavi opoten nado biọ ogbẹ me, hu tintindo alo

awe kavi afo awe nado yin zizedlan biọ miyon madopodo me.

2 Pita 3. 7

Şigba olon he tin to dinvie le, po aigba lo po, gbon ohó dopo lo dali ye so whla hlan miyon, bo so hla ye dai hlan whedazangbe po dindon meylankan le ton po.

Podọ ehele we na juyi oya madopodo me; şigba dodoño le biọ ogbẹ madopodo me.—Matiu 25. 46

Lomunu le 1. 18

Na ye do homegle Jiwheyewhe ton hia son olon me do jijo-madi-Jiwheyewhe ton po go, po mawadodo gbeto ton lepo po, mehe yi nugbo Jiwheyewhe ton hen to mawadodo me le.



## Owalo 17. 31

Şole ewo ko de azan de, ehe me ewo na dawhena aihon to dodo me to dawhe he ewo ko do de me; eheton e ko na adogbigbo hlan gbeto lopo, to ehe me e ko fon en son oso le me.

## 2 Pita 2. 9

Okluno so yon le e na whlen ayihawiweno le do son whlepón me, bo so yi mawadodono le whla hlan whedazangbe nado doya na.

## 1 Johanu 4. 17

Ehe me we ye hen ownayi miton sogbe te, na mi nido tindo tugbigbo to whedazangbe, na le

ewo te, yedo mo we miwle te to aihon he me.

## Heblu le 9. 27

Podó sole ye de hlan gbeto whladopo nado ku, sigba to enegodo whedida.

## 2 Kolintinu le 5. 10

Na mi ome popo we na yin mesawuhia to wheda-jan Klisti ton nukon; na ome dopodopo nido mo onu he ye wa to agbasa eton me le yi, kededi ehe ewo ko wa, eyin e yin dagbe kavi gbigble.

## Lomunu le 14. 12

Enewutu dopodopo miton we na doho ede ton hlan Jiwheyewhe.

Lomunu lẹ 9. 16

Enewutu é ma yín ewọ he to jijo tọn, kavi ewọ he to wezundo tọn, şigba Jiwheyewhe he do lẹblanu hia tọn wẹ.

1 Pita 5. 5b

...na Jiwheyewhe ko diọnu-kunso goyito lẹ, bo so na ojomiọn ayihawhiwheno lẹ.

2 Kolintinu lẹ 9. 15

Opẹ ni tin hlan Jiwheyewhe na nunina masoudo eton tọn.

Lomunu lẹ 5. 15

Şigba le ylando te ma wẹ nunina vonu lo te ga gba. Na eyin gbon ylando ome dopo tọn dali ome susu zun oşio, nemunemu wẹ ojomiọn Jiwheyewhe tọn, podọ

nunina gbon ome dopo Jesu Klisti dali, ko zunsusu hlan ome susu.

2 Kolintinu lẹ 8. 9

Na miwle yon ojomiọn Jesu Klisti Okluno miton tọn, do, le ewọ yin adokunno, şigba na miwle tọn wutu, é lezun agbatono, na miwle nido yin adokunno gbon ohen eton me.

Owalo 4. 33

Huhlon daho wẹ aposteli lẹ do dekunnu fonsonku Jesu Okluno tọn: ojomiọn susu so tin to ye ome po me.

Do yinyin whesuna gbon ojomiọn dali, na ye nido yi mi do basi ogudoto dile todido ogbe madopodo tọn te. —Titu 3. 7

## Owalọ 17. 30

Enẹwutu ojẹ wunvi tọn ẹ go wẹ Jiwheyewhe denukunsẹ sọn; ẹigba to dinvie ẹ degbena gbẹtọ ẹ to ofi popo dọ yẹ do ẹnvojo.

## Luku 13. 3

Yen dọ hlan mi, dọ, Lala: ẹigba, adavo miwle vojọ, mi ome pọ wẹ na dọn do mọkẹde ga.

## Owalọ 3. 19

Mi ẹnvojo na enẹwutu, na yẹ ni diọ mi, na yẹ nido sún sún ylando miton sẹ, to whenuena ojẹ awu-mimion tọn na sọn nukun Oklunọ tọn mẹ wá.

## Owalọ 2. 38

Pita sọ dọ hlan yẹ, dọmọ, Mi ẹnvojo, na yẹ ni sọ baptizi dopo-

dopo miton to oyin Jesu Klisti tọn mẹ na desẹ ylando tọn, miwle nasọ mọ nina Gbigbo Wiwe tọn yi.

## 2 Kolintinu ẹ 7. 10

Na awubla sinsento tọn nọ wazon ẹnvojo tọn hlan whangan he yẹ ma na ẹnvojo na; ẹigba awubla aihon tọn wẹ nọ wazon oku tọn.

## Matiu 3. 2

Dọmọ, Mi ẹnvojo: na aholudu olon tọn sepọ.

## Luku 15. 7

Yen dọ hlan mi, mọkẹde wẹ aya-jije na tin to olon mẹ to ylandonọ dopo he vojọ ji, hu to dodonọ kanwefotonnukunene he ma do vojọ ji.

**Matiu 6. 14**

Na eyin mi jona gbeto le ylando yeton le, Otó miton olon ton nasọ jona mi ga.

**Owalo 5. 31**

Ewo we Jiwheyewhe yi adusi eton do ze daga nado yin Ahovi, Whlenganto, nado na lenvojo hlan Israeli, po jona ylando ton po.

**Malku 2. 5**

Jesu mimo yise yeton, do hlan awukuzonjeto lo, domo, Ovisunnu, ye jo ylando towe na we.

**Osohia 3. 20**

Do ayi e go, yen site to ohon go, bo to hohuhuhú: eyin medepope se ogbe sie bo hinhon, yen na bio

whégbè wá e de, yen nasọ nọ dù-  
jlonú hẹ ewọ, podọ ewọ hẹ yen.

**Johanu 8. 11b**

Jesu so domo, Mowe yen ma so gblewhedo we: yi, sondinvieyi a so waylan ba blo.

**Owalo 13. 38**

Na enewutu ehe ni yin yinyonen hlan mi, meho, memesunnu emi, do gbon dawe he dali we ye to yewheho jona ylando ton ton do hlan mi te.

**Luku 24. 47**

Podọ na yewheho ovojo po ode-se ylando le ton po ni yin dido to oyin eton me hlan akota lepo, hinhon son Jerusalem.

Efesunu ẹ 5. 11

Mi dogbẹ he azọn zinvlu tọn he madosinsẹn blo, ẹgba mi kúkú gbọ bo nọ wọhe yẹ.

Jakobu 4. 4

Mi yọnnu ayọdetọ ẹ, be miwle ma yọnen dọ hontonji he aihon, oken we e yin to Jiwheyewhe de? na medepope he na yin honton aihon tọn, kentọ Jiwheyewhe tọn we.

1 Johanu 2. 15, 16

Mi yiwanna aihon blo, kavi onú he tin to aihon me. Eyin mede yiwanna aihon, owanyi Otọ tọn ma tin to ewo me gba. Na onú he tin to aihon me lepo, wantuntun

agbasalan tọn, wantuntun nukun tọn, po gigovo ogbẹ tọn po, e ma tin to Otọ tọn me gba, ẹgba aihon tọn we.

Kolosinu ẹ 3. 2

Mi nọ ze ojlo ayiha miton tọn daga do onú he tin to olon me le go, e ma yin onú he tin to aihon me go gba.

Titu 2. 11, 12

Na ojomion Jiwheyewhe tọn he hen whlengan wa ko soawuhia ome popo, bo so to mi plon do, to mimon jijo-ma-di-Jiwheyewhe tọn po ojlogbigble aihon tọn po me, mi ni nogbẹ to hùwhe me, to dódó me, podọ to jijo-di-Jiwheyewhe tọn me, to aihon dinvie tọn me.

## 1 Johanu 2. 29

Eyín mì yón ewọ yín dódóno, mì yọnen dọ yè dè mehe wà dódó lẹpo tọn sọn ewọ me.

## 2 Kọlintinu lẹ 5. 17

Enewutu eyín omẹ de tin to Kiisti me, meḍida yóyó wẹ ewọ: yè ko hẹn onú hóhó lẹ juwayi; bo dayi e go, onú lẹpo lẹzun yóyó.

## 1 Johanu 5. 18

Miwle yọnen dọ meḍepope he yè dètọn sọn Jiwheyewhe de ma nọ wàylan; sigba ewọ he yè dètọn sọn Jiwheyewhe me nọ yi ede whlá, meylankan lọ ma sọ gàn do e go.

## Johanu 3. 3

Jesu gblon bo dọ hlan ẹn, dọ, Nugbo, nugbo, wẹ yẹn dọ hlan we,

Adavo yè vọ gbeto ji, ewọ ma sọgan mọ aḥoludu Jiwheyewhe tọn.

## 1 Pita 1. 23

Le miwle lẹzun mevoji, é ma yín sọn okún gbigble me gba, sigba sọn magble me, gbọn ohó Jiwheyewhe tọn dali, ehe to ogbè, bo nasọ tin to ote kakadoi.

## Johanu 10. 10

Ajoto ma wá, adavo dọ e nido finnú bo hù, bo vasúdo: yẹn wá na yé nido tindo ogbè, yèdọ na yé nido tindo sugege.

## 1 Johanu 5. 12

Ewọ he tindo Ovi tindo ogbè; ewọ he ma sọ tindo Ovi Jiwheyewhe tọn ma tindo ogbè gba.

1 Pita 2. 24

Mèhe ewọ̀ọ̀su yí agbasa ede tọn do hẹ̀n ylando míton to atin jì, na mí he ko kú hlan ylando nido tin to ogbè hlan dódó: gbọn bápa mèheton dali yè hẹ̀nazongbọna mí.

Efesunu lẹ 2. 1 ati 6

Mì wẹ é ko fọn do ogbè, mí he ko kú to oylan wiwà po ylando po mẹ; ... yè ko zé mí daga hẹ ẹ, bo sọ hẹ̀n mí sinai dopo hẹ ẹ, to otẹn he to olon lẹ mẹ, to Klisti Jesu mẹ.

Kọ̀losinu lẹ 3. 1-3

Be eyin mí fọn dogbè hẹ Klisti ga, mí nọ̀ dín onú he tin to aga lẹ, fie Klisti sinai te to adusilo Jiwheyewhe tọn mẹ. Mí nọ̀ zé ojlo

ayiha míton tọn daga do onú he tin to olon mẹ lẹ go, é ma yin onú he tin to aihon mẹ go gba. Na mí ko kú, bo yè sọ̀ yí ogbè míton whlá do Klisti de to Jiwheyewhe mẹ.

Galatianu lẹ 5. 24

Yé he yin Klisti tọn lẹ ko whè agbasalan do satin go po ojlo ayiha tọn po, po wantuntun agbasalan tọn lẹ po.

Lomunu lẹ 6. 2 ati 11

E yin mọ̀ blo. Dẹ̀n sọ̀ nawẹ̀ míwẹ̀ he yin oşio hlan ylando, na nọ̀gbè to e mẹ do? ... Yèdo mọ̀kẹ̀dẹ̀ wẹ̀ mí ga ni hia míde di oşio nugbo hlan ylando, şigba nọ̀gbè hlan Jiwheyewhe to Jesu Klisti Oklunọ̀ míton mẹ.

Galatianu lẹ 6. 8

Na mēhe do hlan agbasalan eton, gbọn agbasalan mē é na gbèn gbigble; şigba mēhe do hlan Gbigbo, gbọn Gbigbo mē é nasọ gbèn ogbè madopodo.

Johanu 3. 14. 15

Dile Moşe zé odàn do aga to zùngbo mē, mọkẹde wẹ yè ma sogan nọ ma zé Ovi gbeto ton do aga: na mēdepope he yise nido tindo ogbè madopodo to e mē.

Johanu 17. 3

Podọ ehe wẹ ogbè madapodo, do yé ni yon hiẹ şokẹde Jiwheyewhe nugbo, podọ ewọ mēhe hiẹ dohlan, yèdo Jesu Klisti.

Johanu 3. 36

Mēhe yise to Ovi mē tindo ogbè madopodo: mēhe ma yise to Ovi mē ma to na mọ ogbè; şigba hòmẹgble Jiwheyewhe ton note to e ji.

Lomunu lẹ 6. 23

Na okú wẹ ale ylando ton; şigba nunina Jiwheyewhe ton wẹ ogbè madopodo to Jesu Klisti Okluno miton mē.

Johanu 5. 24

Nugbo, nugbo, wẹ yẹn do hlan mi, Mēdepope he sè ohó sie, bo sọ yí mēhe do mi hlan sè, é tindo ogbè madopodo, é ma na biọ whèdida mē gba; şigba é tón sọn okú mē biọ ogbè mē.



Galatianu lẹ 4. 6

Le mì yín ovi, Jiwheyewhe ko do Gbigbo Ovi eton ton jegbonu wá ayiha míton mẹ, he to awhádo do, Abba, Otó.

Johanu 14. 21

Ewo he tindo osen sie le, bo so yin ye, ewo lo we mehe yiwanna mi: mehe so yiwanna mi, ye na yiwana ne son Otó sie de, yen nasọ yiwana ne, bo nasọ do de hia hlan en.

1 Johanu 3. 18, 19

Mi yopo sie emi, mi dike mi yi onu tata do basi owanyi blo, kavi po ode po blo; adavo to wiwa po nugbo po mẹ. Podọ ehe mẹ we mi

yonen te do, miwe jo son nugbo lo de, bo nasọ hen ayiha míton diun to nukon eton.

Lomunu lẹ 8. 16

Gbigbo losu so to kunnude he gbigbo míton, do ovi Jiwheyewhe ton we mi.

1 Johanu 4. 13

Ehe mẹ we mi yonen te do, mi to ninọ e mẹ, ewo to mi mẹ, na e ko na mi to Gbigbo eton mẹ wutu.

1 Johanu 5. 11, 12

Ehe so we kunnudide, do Jiwheyewhe na ogbe madopodo hlan mi, ogbe he tin to Ovi eton mẹ. Ewo he tindo Ovi tindo ogbe; ewo he ma so tindo Ovi Jiwheyewhe ton ma tindo ogbe gba.

## GIGÒ KLISTI TỌN TO AYIHA MẸ NỌ NA AYAJẸ

Johanu 17. 13

Dinvie yẹn ja de we; onú heḷe wẹ yẹn do to aihon mẹ, na yé nido tin-do ayajije sie to gigò mẹ to yéde mẹ.

Lomunu ẹ 14. 17

Na aholudu Jiwheyewhe tọn ma yin nùdùdù po núnùnù po gba; adavo dódó, jìjòho, po ayajẹ po to Gbigbo Wiwe mẹ.

Galatianu ẹ 2. 20

Yè ko whè mi do satin go he Klisti, sigba yẹn sọ tin to ogbè, mọwẹ é ma yin yẹn wẹ gba, Klisti he tin to ogbè to yẹn mẹ wẹ: ogbè

he yẹn sọ tin te to dinvie to agbasalan mẹ, yẹn tin to ogbè to yise he tin to Ovi Jiwheyewhe tọn tọn mẹ, mēhe yiwanna mi, bo sọ yí ede na mi.

Johanu 15. 11

Onú heḷe wẹ yẹn ko do hlan mi, na ayajẹ sie nido tin to mi mẹ, podọ na ayajẹ miton nido yin hinhenpè.

1 Pita 1. 8

Mēhe mi ma ko mọ, bo to wanyina; mēhe mi ma tẹ mọ dinvie, gānsọ bo to yiyise, mi yí aya masogandọ he gọ na gigo do to ayajẹ.

# E JE NA YÈ NIDO SETÓNU NA OGBÈ OKLUNỌ TỌN

33

Lomunu lẹ 6. 16

Miwlẹ ma yọnen dọ, hlan mēhe mi yí mīde na di afànumẹ hlan tónuse, afànumẹ eton wẹ mi yin mēhe mi to tónusena: yin é yin ylando tọn hlan okú, kavi tónusise tọn hlan dódó?

Lomunu lẹ 2. 13

Na é ma yin sisètọ osẹn de tọn wẹ yin dódónọ to Jiwheyewhe nukon gba, adavo wiwàtọ osẹn de tọn wẹ yè na hia na dódónọ.

2 Tesalonikanu lẹ 1. 7-9

Podọ hlan mi he yè bianukunna lẹ ni gbojẹ to mí de, to whenuena yè na do Jesu Oklunọ hia sọn olon

mẹ, po angẹli huhlọnnọ eton lẹ po, mēhe to ahosuyi to yé he ma yon Jiwheyewhe lẹ go, podọ yé he ma setónuna wendagbe Jesu Klisti Oklunọ míton tọn lẹ, to miyon he to jiji mẹ; mēhe yè na yí vivà madopodo do sayana sọn Oklunọ nukon, podọ sọn gigo huhlọn eton tọn mẹ.

Osọhia 22. 14

Donano wẹ yé he yan awugbo yeton lẹ, na yé nido tindo ojlojẹ nado wá atin ogbè tọn lọ kọn, bo do sọgan gbọn hòngbo lẹ ji biọ otódaho lọ mẹ.

## 34 E JE NA YÈ NIDO DEKUNNU KLISTI TỌN

Filippinu lẹ 2. 11

Podọ na odẹ lẹpo ni nọ yigbe dọ, Jesu Klisti wẹ Oklunọ, hlan gigo Jiwheyewhe Otọ tọn.

Matiu 10. 32, 33

Enẹwutu mēdepope he yigbè sie to gbẹtọ lẹ nukọn, ewọ wẹ yẹn na yigbè etọn ga to Otọ sie he tin to olon mẹ nukọn. Şigba mēdepope he mọn mi to gbẹtọ lẹ nukọn, ewọ wẹ yẹn na mọn to Otọ sie he tin to olon mẹ nukọn ga.

Lomunu lẹ 10. 9, 10

Dọ eyin hiẹ na yí onù towe do yigbè Jesu Oklunọ tọn, bo nasọ yise to ayiha towe mẹ dọ Jiwheyewhe zé e tite sọn oşio lẹ mẹ, yè na whlẹn we gán. Na ayiha wẹ gbẹtọ

do yise hlan dódó; onù wẹ yè do basi ogbèyí hlan whlengan.

1 Johanu 2. 23

Mēdepope he mọn Ovi, ewọ lọ wẹ ma tindo Otọ: şigba, ewọ he yigbè Ovi tọn, é tindo Otọ ga.

Luku 9. 26

Na mēdepope he winyan sie po ohó sie po tọn hù, ewọ wẹ winyan etọn na hù Ovi gbẹtọ tọn, whe-nuena é ja to gigo ewlọsu tọn mẹ podọ to Otọ etọn tọn mẹ, podọ to angeli wiwe lẹ tọn mẹ.

1 Johanu 4. 2

Ehe mẹ wẹ mi ni yọn Gbigbọ Jiwheyewhe tọn: Gbigbọ he yigbe dọ Jesu Klisti wá to agbasalan mẹ lẹpo, Jiwheyewhe de é jọ sọn.

# SATANI — KENTỌ MÍTON DAHO LỌ 35

1 Pita 5. 8

Mì yín hùwhẹno bo sọ no hó mǐde: na lẹgba, meglato míton, di kinnikinni he to lili, é to zonlinzin pé, bo to mehe é na tlendù din.

2 Tẹsalonikanu lẹ 2. 9

Yèdọ ewọ lọ, mehe wiwá eton na taidi azon Satani ton kedẹ, po huhlọn lẹpo po, ohia, po lalo he jawu lẹ po.

Matiu 4.1 ati 10, 11

Whenenu wẹ yè plan Jesu gbọn Gbigbo mẹ yì zungbo mẹ nado whle e pọn gbọn lẹgba de, ... Whenenu wẹ Jesu dọ hlan ẹn, domo, Ton sọn ofi, Satani: na yè wlanwé eton dọ, Hiẹ na litaina

Oklunọ Jiwheyewhe towe, ewọ dopokede wẹ hiẹ na no sẹn. Whenenu wẹ lẹgba jo e dai; bo, do ayi e go, angeli lẹ sọ wá bo to devizonwá hlan ẹn.

Efesunu lẹ 6. 11

Mì zé gbaja Jiwheyewhe ton lẹpo bla dogo, na mì nido note pehe bublu lẹgba ton.

Owalọ 26. 18

Nado hùn nukunna yé, nado lé yé sọn zinvlu mẹ do hinhon mẹ, podọ sọn huhlọn Satani ton mẹ do Jiwheyewhe de, na yé nido mọ ojona ylando ton yí, po ogúigba po he omẹ he yè hẹn zùn wiwe lẹ gbọn yise he tin to yẹn mẹ dali.

2 Tẹsalonikanu lẹ 2. 8

Whenenu wẹ yẹ na dẹ mejẹglo lẹ hia, mẹhe Okluno na yí gbigbo onú eton mẹ ton do súdo, bo nasọ yí sisẹ gigò eton ton do sũkunda.

Jakobu 4. 7, 8a

Enẹwutu mì lita mìton ai hlan Jiwheyewhe. Mì dionukunso lẹgba; é nasọ họn sọn mì de. Mì sẹpọ Jiwheyewhe, ewọ nasọ sẹpọ mì.

Heblu lẹ 2. 14

Be le eyin ovi lẹ yin máhẹto to agbasalan po ohun po mẹ, ewọsu basi máhẹto to e mẹ ga; do gbon alọ okú ton mẹ é nido hù mẹhe tin-

do huhlọn okú ton súdo, enẹ wẹ, lẹgba.

Lomunu lẹ 8. 35 ati 37

Mẹnu wẹ na klán mí sọn owanyi Klisti ton mẹ? tukla na, kavi nukunbibia, kavi homeken, kavi huve, kavi omeje, kavi owu, kavi ohi? ... Şigba to onú hele pó mẹ mí hú awhangbato gbon ewọ he yiwanna mí dali.

1 Johanu 3. 8

Ewọ he wàylan, lẹgba de é jò sọn; na lẹgba ko wàylan sọn whẹwhẹwhenu. Na ehe wutu wẹ Ovi Jiwheyewhe ton sọawuhia, na é nido gbà azon lẹgba ton súdo.

# OWANYI, OWA DAGBE DEVIZONWATO DE TON 37

1 Johanu 4. 20

Eyín mède dọ, Yẹn yiwanna Ji-  
wheyewhe, bo gbẹwanna mèmẹ-  
sunnu eton, lalonọ wẹ ewọ: na ewọ  
he ma yiwanna mèmẹsunnu eton  
he é mọ, nawẹ é na yiwanna Ji-  
wheyewhe mẹhe é ma mọ do?

1 Kolintinu lẹ 13. 1

Eyín yẹn nọ yí ogbè gbẹtọ ton  
po angeli lẹ po ton do dọhó bo ma  
tindo owanyi, yẹn lezun ogánvẹ he  
to nudọ, kavi ajògàn gbègán-  
gánno de.

Johanu 13. 35

Gbon ehe dali wẹ gbẹtọ lepo na  
yọnen dọ nuplonto sie wẹ mi, eyín  
miwle tindo owanyi hlan minozo.

Galatanu lẹ 5. 22, 23a

Şigba sinsen Gbigbo ton wẹ,  
owanyi, ayaje, jijoho, linsinyen,  
homedagbe, dagbewa, nugbowa,  
walomimion, mawazejlego.

Johanu 21. 16

E sọ vọ dọ hlan en whlaweto, dọ,  
Simoni, ovisunnu Jona ton, hiẹ  
yiwanna mi? E sọ dọ hlan en, dọ,  
Mowe, Okluno; hiẹ yonen dọ yẹn  
yiwanna we. E sọ dọ hlan en dọ,  
Yin lengbo sie lẹ.

1 Johanu 3. 14

Miwle yonen dọ mi ko ton son  
okú mẹ biọ ogbè mẹ, na miwle  
yiwanna mèmẹsunnu lẹ wutu. Mẹ-  
depope he ma yiwanna mèmẹsun-  
nu eton, é tin to okú mẹ.

Malku 16. 9

Whenuena Jesu fón to afonnufũ to azán tintán awlẹn tọn gbè, é jenukọn sọawúhia Malia Magdalení, mehe me é yàn aovi şinawe jẹgbonu sọn.

Johanu 20. 26-28

To azán şinatọn godọ, nuplontọ etọn lẹ sọ vọ tin to họme, Tọmasi tin to yé de: Jesu wá, le ohọn lẹ to súsú, bo şite to şenşen, bo dọmọ, Jijoho ni tin hlan mi. Whenenu wẹ é dọ hlan Tọmasi, dọ, Yí alọviyeyẹ towe wá ofi, bo pọn alọ şie, bo sọ yí alọ towe wá ofi, bo yí i do adaja şie me: hiẹ yín mayisenọ blo, şigba yisenọ. Tọmasi sọ gblọn bo dọ

hlan ẹn, dọ, Oklunọ şie, Jiwheyewhe şie.

Lomunu lẹ 4. 25

Mehe yè jo na ylando mítọn lẹ, bo sọ zetite na owhewhẹn mítọn.

Owalọ 10. 39-41

Míwle sọ wẹ kunnudetọ onú he é wà lẹpo tọn, to aigba Ju lẹ tọn ji, podọ to Jelusalem; mehe yé hù, bo sọ pla do atin go: ewọ wẹ Jiwheyewhe zetite to azán atọntọ gbè, bo sọ do e hia gbangba; é ma yín hlan gbẹto lẹpo gba, şigba hlan kunnudetọ he yè ko dè dai sọn Jiwheyewhe de lẹ, yèdọ hlan míwle, mehe dù bo sọ nù he ẹ to whenuena é tite sọn oşio lẹ me godọ.



Johanu 5: 25 ati 28, 29

Nugbo, nugbo, wẹ yẹn dọ hlan mi, Ojẹ lọ ja, dinvie sọ wẹ, whe-nuena oşio lẹ na sẹ ogbẹ Ovi Jiwheyewhe tọn tọn: mehe sọ sẹ lẹ na tin to ogbẹ. . . . Avò vò mi na ehe wutu blo: na ojẹ lọ ja, to ehe me omẹ he tin to yodo me lepo na sẹ ogbẹ eton, bo na tọnjẹgbonu; mehe wà dagbe lẹ hlan fonsunku ogbẹ tọn; mehe wà oylan lẹ hlan fonsunku whèdida tọn.

Lomunu lẹ 1. 4 ati 6. 3-5

Bo sọ la nado yin Ovi Jiwheyewhe tọn to huhlọn me kededi gbigbo owiwe tọn, gbọn fonsunku sọn oşio lẹ me tọn dali. . . . Be mi yin madonano dọ, mí mehe yè bap-

tizi do Jesu Klisti, me lẹ, yè baptizi mí do okú eton me? Enewutu yè di mí po e po gbọn baptem me do okú me; dọ dile yè zé Klisti tite sọn oşio lẹ me gbọn gigo Otọ tọn me, mọ na mí ga nido zinzonlin to yoyoje ogbẹ tọn me. Be eyin yè do mí dọpo to ohia okú eton tọn me, mí na tin to ohia fonsunku eton tọn me ga.

Sọn ojẹ ne me wẹ Jesu sẹ nado didohia hlan nuplonto eton lẹ, le dọ ewo mananoma yi je Jelusalem do, bo jiya onú susu tọn sọn meho lẹ po ogán yewheno lẹ tọn po po wekantọ lẹ po si, bo yin huhu, podọ to azán atonto gbè yin zize daga. —Matiu 16. 21

Luku 1. 74, 75

Nado na mi, do whinwhlen mi son alo kentọ miton le ton me, nido sen en matin obudi, to wiwe po dodo po me to nukon eton to azan miton lepo me.

2 Kolintinu le 7. 1

Enewutu, le mi tindo opagbe hele, meyiwananna vive emi, mi gbo mi ni klo mide son diho agbasalan po gbigbo ton lepo po me, bo so hen wiwe sogbe to osi Jiwheyewhe ton me.

1 Pita 1. 2

Kededi yinyonendai Jiwheyewhe Otọ ton, gbon lewe Gbigbo ton dali, hlan tonuse po ohun yin do ome go Jesu Klisti ton po:

Ojomion po jioho po ni yin susu hlan mi.

1 Pita 1. 15

Sigba le ewo he ylo mi yin wiwe do, mowe mi ni yin wiwe do to owalo alopalopa popo me.

2 Timoti 2. 15

Dovivenu nado do dewe hia di mehe pegan hlan Jiwheyewhe, azonwato he ma do na kuwinyan, ehe no ma ohonugbo ton dile e je do kede.

2 Timoti 2. 21

Eyin medcpepe so klo ede son onu hele me, ewo na yin nuzinzan yeyi ton, he ye de dovo, ehe je na zinzan owheho ton, he ye wleawu eton dai na azon dagbe lepo.

Heblu lẹ 13. 12

Enẹwutu Jesu ga, dọ é nido lẹ gbẹtọ lẹ wé gbọn ohún ede tọn me jiya to dọkọ godo ga.

Eyín mí yígbe ylando mítọn lẹ tọn, nugbono, dódóno wẹ ewọ nado jo ylando mítọn lẹ na mí, podọ nado kló mí sọn mawádódó lẹpo me. —1 Johanu 1. 9

Efesunu lẹ 1. 4

Yèdọ dile é ko dè mí to e me jenukonna dódó aihon tọn, na mí nido yín wiwe, podọ matin modọ do omẹ go to nukon eton to owanyí me.

Matiu 3. 11

Nugbo wẹ yẹn yí osin do to bi-baptizi mí na lenvojo: sigba mehe

ja to godo sie tin huhlọn hú mí, afopa mehe tọn yẹn ma je na zé: ewọ wẹ na yí Gbigbo Wiwé po miyon po do baptizi mí.

Mì nọ yí jijoho do zonhe gbẹtọ lẹpo, po owalo wiwe po, eyín enẹ ma tin, mede ma sogan mo Okluno. —Heblu lẹ 12. 14

2 Pita 3. 11

Le onú hele pó na yó konyingbe ne, omẹ na hunkọ wẹ miwle lo yin to owalo wiwe lẹpo me, to jijo-di-Jiwheyewhe tọn me.

Efesunu lẹ 4. 24

Na mí ni sọ zé gbẹtọ yoyó lo dogo, mehe yè da to dódó me di apajle Jiwheyewhe tọn podọ to jijo wiwe nugbo tọn me.

## 42 GBETO LE HE YE GO NA GBIGBO WIWE

Luku 11. 13

Enewutu, eyin miwle he yin ome ylankan yon le ye no na nunina dagbe hlan ovi miton le do, nemunemu we Ototo miton olon ton na na Gbigbo Wiwe hlan ye he bioto e de le.

Owalo 1. 8a

Sigba miwle na mo huhlun yi whenuena Gbigbo Wiwe wa mi ji: miwle naso yin kunnudetoto na mi . . . .

Owalo 13. 52

Nuplontoto le so go na ayaje po Gbigbo Wiwe po.

Lomunu le 8. 9

Sigba miwle ma tin to agbasian me gba, adavo to Gbigbo me,

eyin e yin mo do Gbigbo Jiwheyewhe ton nono mi me. Eyin ome de ma tindo Gbigbo Klisti ton, ewo ma yin ode to ome eton le me.

Owalo 4. 31

Whenuena ye hode ohoto he me ye pli do whan gigi; ye ome po so go na Gbigbo Wiwe ye so yi tugbigbo do do ohoto Jiwheyewhe ton.

Owalo 11. 24

Na ome dagbe we ewo, e so go na Gbigbo Wiwe po yise po: gbeto susu we ye so hia dogoto Oklunoto.

Sigba ewo go na Gbigbo Wiwe e zinnukun do aga do olon me, bo so mo gigo Jiwheyewhe ton, po Jesu po to ote to adusilo Jiwheyewhe ton me.

--Owalo 7. 55

Malku 9. 23

Jesu sọ dọ hlan ẹn, dọmọ, Eyin hiẹ sọgan yise, onú lepo wẹ wiwà hlan ewọ mehe yise.

Osohia 21. 4

Jiwheyewhe nasọ sún sún dasin lepo sẹ sọn nukum yeton me; okú ma nasọ tin ba, kavi awúbla, kavi avi, mọ awufiẹsa ma na tin ba: na onú tintan le ko juwayi.

1 Pita 4. 12, 13

Mejiwanna emi, mi len di nudabla de blo gbọn whlepón miyonawu he ja mi whlepón gbé, kededi onú dabla de wẹ jọ hlan mi de: sigba mi ni jaya, sole mi yin máheto to yajiji Klisti ton me do;

na whenuena yè dè gigo eton hia, mi nido jaya to homẹhúnhún susu me.

Matiu 6. 33

Sigba mi din ahọludu Jiwheyewhe ton, po dódó eton po whẹ: onú hele pọ wẹ yè na dogó hlan ni.

Matiu 28. 20b

... bo pón, yen tin to mi de to whepoponu, kaka je opodo aihon ton. Nişẹ.

2 Pita 1. 4

Gbọn eheton me yè yi opagbe daho talala akuẹgegenu na mi: na gbọn ehele dali mi nido yin máheto jowamọ yewhe, le mi to tutlu sọn gbigble he tin to aihon me me gbọn wantuntun dali.

## 44 PAGBE LẸ HLAN MEHE YÈ WHLEPỌN LẸ

Heblu ẹ 2. 18

Na le ewlọsu ko jiya, bọ yè whle e pọn, é sọgan gọalọna yé he yè to whiwhlepọn ẹ.

Lomunu ẹ 16. 20

Podọ Jiwheyewhe jijoho tọn na zín Satani dai to afo míton gọ to yóyóvie. Ojomion Jesu Klisti Oklunọ míton tọn ni nọ he mì. Nişẹ.

2 Kolintinu ẹ 4. 17

Na nukunbibia míton whiwha, ehe tin na nukunwhiwhe dopo, to azon kiklo po gigo pinpen mado-podo he higan po wa na mi.

Lomunu ẹ 8. 28

Podọ mí yonen do onú lepo we to azonwa dopo na dagbe hlan ye

he yiwanna Jiwheyewhe, yedo hlan ye he yin meyiyo ẹ kededi lendote eton.

1 Kolintinu ẹ 10. 13

Owhlepọn de ma sa ko pla mi adavo ehe hunko tin ayà hlan gbeto: şigba nugbono we Jiwheyewhe, mehe ma na dike ye ni whle mi pọn hu ehe mi sọgan hen; şigba ewo na deali de po owhlepọn lo po ga nado gan, na miwe nido tin sọgan nado doakon ne.

Jakobu 1. 12

Donano we dawo lo he doakonna whlepọn: na whenuena ye ten en pọn, é na yi ojegbakun ogbe ton, he Oklunọ ko dopagbe hlan ye he yiwann ne ẹ.

Osòhia 3. 5

Ewo he gbawhàn, wẹ yè na yí avò wéwé sinyon na dole; yèn ma to oyín eton na gbidi sè sòn owé ogbè ton mẹ gba, sigba yèn na dekunnuna oyín eton to Otó sie nukon, podọ to angeli eton le nukon.

Ewo he gbawhàn, wẹ yèn na yí do basi dotin to templi Jiwheyewhe sie ton mẹ, ewo ma nasọ ton jegbonu ba: yèn nasọ wlan oyín Jiwheyewhe sie ton do e go, po oyín otódaho Jiwheyewhe sie ton po, Jelusalem yóyó, he jete sòn olon mẹ ja sòn Jiwheyewhe sie de: yèn nasọ wlan oyín sie yóyó do e go. —Osòhia 3. 12

Osòhia 21. 7

Ewo he gbawhàn wẹ na dugú onú popo ton; yèn nasọ yín Jiwheyewhe eton, ewo nasọ yín ovi sie.

Osòhia 2. 7

Ewo he tindo otó ni sè onú he Gbigbo to didọ hlan agún le lọ; Ewo he gbawhàn wẹ yèn na na atin sinsen ogbè ton hlan nado dù, ehe tin to paladisi Jiwheyewhe ton mẹ.

Osòhia 3. 21

Ewo he gbawhàn, wẹ yèn na na nado sinai he mi to ofin sie ji, dile yèn ga gbawhàn, bo sọ sinai he Otó sie to ofin eton ji do.

# JIWHEYEWHE TO HÓDỌ NA MÍ HLAN GBEDAYI

1 Kolintinu lẹ 7. 10, 11

Şigba hlan alowletọ lẹ wẹ yẹn dosenna, gānşo é ma yin yẹn gba, adavo Okluno, Mì dike asi klán sọn asú eton de blo: şigba eyin é klán, mí gbọ ni tin mawlealohe, kavi yè ni hen ẹn gbowhe he asú eton: mì sọ dike asú gbé asi eton dai blo.

Lomunu lẹ 7. 2, 3

Na yè sìn yonnu he tindo asú gbọn osen dali hlan asú eton sole é togbè den do; şigba eyin asú lọ kú, yè tún in sọn osen asú lọ ton me. Mọ whenenu eyin, whenuena asú eton tin to ogbè, yè wlealo nẹ hlan

sunnu devo, ayòdetọ wẹ yè na yọ ẹ: şigba eyin asú eton kú, é vò sọn osen lọ si; sọmọ ewọ ma yin ayòdetọ ba, eyin yè tẹ wlealo nẹ hlan sunnu devo.

Matiu 5. 32

Şigba yẹn dọ hlan mì, Mèdepope he gbé asi eton dai, adavo na ogà wutu, é hen ẹn deayò: mèdepope he sọ wlealo he mehe yè gbédai, é deayò.

Luku 16. 18

Mèdepope he gbé asi eton dai, bo wlealohe devo de, deayò; mèdepope he sọ wlealohe mehe yè gbédai sọn asú de, é deayò.



Johanu 14. 3

Eyín yẹn yi bo wleawu oten de ton dai na mi, yẹn nasọ legò, bo hen mi yi dē de; na ofi he yẹn te fine wẹ mi na nọ ga.

Osohia 3. 11

Do ayi e go, yẹn ja zāndevie. Ehe hiẹ tindo nẹ, hen e go gligli na medepope ma na do yi ojẹgbakun towe.

Matiu 24. 30

Whenenu wẹ ohia Ovi gbeto ton na sọ awúhia to olon mẹ; whenenu wẹ whendo he tin to aihon mẹ lepo na blawú, yé nasọ mọ Ovi gbeto ton sọn asọ olon ton le go ja, po huhlón po, po gigo daho po.

Malku 8. 38

Na medepope he yè na hen kuwinyan sie ton po ohó sie ton po to whendo ayòdetọ podọ ylandono he mẹ; ewọ ga wẹ yè na hen Ovi gbeto ton kuwinyan eton, to whe-nuena é na wá to gigo Otọ eton ton mẹ po angeli wiwe le po.

Jakobu 5. 8

Mi sinyenlin ga; bo hen ayiha miton lódo; na gigowá whenu Okluno ton to sisepọ.

Matiu 24. 27

Na le abi nọ jẹgbonu sọn whe-zize dali wá, bo sọ nọ yin mimọ yedo je wheyihọ dali, mọkedẹ wẹ wiwá Ovi gbeto ton na nọ.

## Osòhia 16. 15

Do ayi e go, yèn na wá di ajoto. Donano wẹ ewo he to alihó, bo sọ sẹ avò eton do, na é níká zinzonlin to omé, yè bo nasọ mọ winyan eton.

## Luku 12. 40

Enẹwutu na mi ni wleawu ga: na Ovi gbeto ton ja to ojle he me whe-nuena mi ma donukun in.

## Owalọ 1. 11

He ga domo, Mi dawẹ Galili ton le, etewutu wẹ mi site bo to nukun zin do olon me? Jesu he lo, he ye yi do olon me son mi de, nasọ lego wa dile mi mo en bo é jei olon do.

## 1 Johanu 3. 2

Mejiwanna emi, dinvie ovi Ji-wheyewhe ton wẹ mi, é ma ko sọ sọawuhia le mi na te: sigba mi yonen do, whenuena ewo na sọawuhia, miwle na di ewolosu; na mi na mo en dole é te.

## Luku 21. 27

Whenenu wẹ ye na mo Ovi gbeto ton ja to aslo de me po huhlun po po gigo daho po.

## Matiu 16. 27

Na Ovi gbeto ton na wa to gigo Otó eton ton me, po angeli eton le po; whenenu wẹ é na suaho ome dopodopo dile azon eton te.

# OHÓ JIWHEYEWHE TỌN

2 Pita 1. 21

Na dọdai ma gbọn ojlo gbẹtọ tọn dali wá to hohówhenu gba: şigba gbẹtọ lẹ dọhó sọn Jiwheyewhe de dile yè dọn yé yì do gbọn Gbigbọ Wiwe dali.

2 Timoti 3. 16

Owé wiwe lẹpo gbingbọn sọn Jiwheyewhe mẹ yín alenọ ga na mepinplọn, na wọhẹmẹ, na ana-dẹmẹ, na núplọnmẹ he tin to dódó mẹ.

Heblu lẹ 4. 12

Na ohó Jiwheyewhe tọn tin to ogbẹ, é dọhuhlọn, bo da hú ohi nùawenọ, é nọ sọ omẹ, yèdọ nado klán ayiha po gbigbọ po do

vòvò, agómẹ húpétẹn tọn po ojo ohú mẹ tọn po, ewọ sọ wẹ linlẹn ayiha tọn po ojlo ayiha tọn po yọntọ.

Johanu 6. 63

Gbigbọ wẹ nagbẹmẹ; agbasa ma doale de: ohó he yẹn dọ hlan mì nele, gbigbọ wẹ yé, ogbẹ wẹ yé.

Matiu 22. 29

Şigba Jesu gblọn bo dọ hlan yé, dọmọ, Mìwle buali ma yón Owé wiwe lẹ, kavi huhlọn Jiwheyewhe tọn.

Luku 21. 33

Olọn po aihọn po na juwayi; şigba ohó şie ma to na juwayi.

**Published in numerous languages by the World Missionary Press  
as God supplies funds in answer to prayer. If you would like more  
copies for careful distribution, write in English to:**

**World Missionary Press, Inc.  
Box 120  
New Paris, Indiana 46553 U.S.A.**

**Text reprinted from New Testament in Gun by permission of United Bible  
Societies, Africa Regional Centre, Nairobi, Kenya.**

*Nigeria*

*Lagos Badagry*

**196 Gun**  
*Printed in U.S.A.*

**GUW 6**